

ხელშეკრულება № _____
სახელმწიფო შესყიდვის შესახებ
(ელექტრონული ტენდერი SPA_____)

ხელშეკრულების პროექტი
(კონკრეტული პირობები დაზუსტდება სატენდერო წინადადების შინაარსის გათვალისწინებით)

ქ. თბილისი

“___” _____ 2018 წ.

ერთის მხრივ, **საგანგებო სიტუაციების მართვის სამსახური** (მის: ქ.თბილისი, ინგოროყვას ქუჩა №7, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 205350699), შემდგომში წოდებული „შემსყიდველად“, წარმოდგენილი სამსახურის უფროსის მოადგილის **ალექსანდრე ონოფრიშვილის** სახით და მეორეს მხრივ

მიმწოდებელი: ი/მ, ფ/პ, შპს, სს **XXXXXX**, საიდენტიფიკაციო კოდი **XXXXXX**

მისამართი, ტელეფონი: **XXXXXX**

დირექტორი: **XXXXXX**

საბანკო რეკვიზიტები: **XXXXXX**; ბანკის კოდი: **XXXXXX**; ანგარიშის ნომერი: **XXXXXX**

ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის შესაბამისად, ვთანხმდებით სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

1. გამოყენებული ტერმინების განმარტება

- 1.1 ხელშეკრულებაში გამოყენებულ ტერმინებს აქვთ შემდეგი მნიშვნელობა:
- 1.1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
 - 1.1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
 - 1.1.3 „შემსყიდველი ორგანიზაცია“ (შემდგომ „შემსყიდველი“) - ორგანიზაცია (დაწესებულება), რომელიც ახორციელებს შესყიდვას;
 - 1.1.4 „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში;
 - 1.1.5 „დღე“, „კვირა“, „თვე“ - კალენდარული დღე, კვირა, თვე;
 - 1.1.6 „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი;
 - 1.1.7 „ტექნიკური დოკუმენტაცია“ - მიმწოდებლის მიერ **SPA_____** ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც თან ერთვის ხელშეკრულებას, როგორც მისი განუყოფელი ნაწილი.
- 1.2 მოცემულ ხელშეკრულებაში გამოყენებული ტერმინები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.

2 ხელშეკრულების საგანი და ღირებულება

- 2.1 წინამდებარე ხელშეკრულების დანართი N1-ის (ფასთა ცხრილი) შესაბამისად, მეხანძრე-მაშველისათვის მაღალეფიანი ფეხსაცმლის **მრავალწლიანი** შესყიდვა (CPV-18800000).
- 2.2 **ხელშეკრულების ღირებულება:** _____ (თანხა სიტყვიერად) ლარი.
- 2.3 **დაფინანსების წყარო:**
- 2.3.1 **2018 წლის სახელმწიფო ბიუჯეტი** - არაუმეტეს სახელშეკრულებო ღირებულების 50%-ისა.
 - 2.3.2 **2019 წლის სახელმწიფო ბიუჯეტი** - არაუმეტეს სახელშეკრულებო ღირებულების 50%-ისა.
 - 2.3.3 **2.3.2 პუნქტში არსებული თანხა დაკორექტირდება პრეტენდენტის მიერ ვაჭრობის შედეგად დაფიქსირებული თანხის შესაბამისად.**
- 2.4 ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით, მიმწოდებლის მიერ საქონლის მიწოდებისათვის გაწეულ საჭირო ყველა ხარჯს, მათ შორის საქართველოს ტერიტორიაზე ტრანსპორტირებას, ადგილზე მიტანით. საქართველოს კანონმდებლობით გათვალისწინებულ დღგ-ს გადასახადს გადაიხდის შემსყიდველი ორგანიზაცია.

3 ხელშეკრულების არსებითი პირობები

- 3.1 მიმწოდებელი იღებს ვალდებულებას მიაწოდოს შემსყიდველს წინამდებარე ხელშეკრულებით განსაზღვრული შესყიდვის ობიექტი საქართველოში, ქ.თბილისში, თბილისის ზღვის მიმდებარე ტერიტორიაზე, შემდეგი ვადების გათვალისწინებით:
- 3.1.1 2 000 წყვილი მაღალეფიანი ფეხსაცმელი - ხელშეკრულების გაფორმებიდან არაუგვიანეს 2018 წლის 10 დეკემბრისა;
 - 3.1.2 2 000 წყვილი მაღალეფიანი ფეხსაცმელი - ხელშეკრულების გაფორმებიდან არაუგვიანეს 2019 წლის 31 იანვრისა.

3.2 მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმის, სტანდარტისა და წესების მოთხოვნათა დაცვით;

3.3 მიმწოდებელი იღებს ვალდებულებას, რომ შესყიდვის ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს. ხარისხი უნდა შეესაბამებოდეს დადგენილ საერთაშორისო სტანდარტებს;

3.4 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით.

4 ხელშეკრულების მოქმედების ვადა

წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2019 წლის 28 თებერვლის ჩათვლით.

5 შეფუთვა

5.1 მიმწოდებელმა უნდა უზრუნველყოს საქონლის ადექვატური შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

5.2 შეფუთვის სახეობა, თითოეული ფუთი გაბარიტი და წონა უნდა შეესაბამებოდეს დადგენილ საერთაშორისო სტანდარტებს.

6 გარანტია და წუნდებული საქონელი

6.1 მიმწოდებელი შესყიდვის ობიექტის ხარისხზე იძლევა გარანტიას, მიღება-ჩაბარების აქტის გაფორმებიდან არანაკლებ 2 (ორი) წლის განმავლობაში;

6.2 ამ ხელშეკრულებით განსაზღვრული საგარანტიო ვადის განმავლობაში, შემსყიდველის წარმომადგენლ(ებ)ის მიერ წუნის გამოვლენის შემთხვევაში, მიმწოდებელი ვალდებულია საკუთარი ხარჯებით უზრუნველყოს საქონელზე გამოვლენილი ნაკლის აღმოფხვრა ან წუნდებული საქონლის შეცვლა, შეტყობინების მიღებიდან გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში. თუ მიმწოდებელი დადგენილ ვადაში არ გამოასწორებს ნაკლს ან არ უზრუნველყოფს წუნდებული საქონლის შეცვლას, შემსყიდველს უფლება აქვს დაუბრუნოს წუნდებული საქონელი მიმწოდებელს და მოსთხოვოს მას შესაბამისი ხარჯების ანაზღაურება შესყიდვის ფასზე დაყრდნობით. მიმწოდებელი ვალდებულია დაუბრუნოს შემსყიდველს გადახდილი თანხა, მოთხოვნიდან 10 (ათი) სამუშაო დღის განმავლობაში.

6.3 წუნში იგულისხმება უფლებრივი ან/და ნივთობრივი ნაკლი, ქარხნული წუნი, ნორმალური ექსპლუატაციის პირობებში ხელშეკრულებით განსაზღვრული მახასიათებლების ან სხვა საექსპლუატაციო თვისებების დაკარგვა და ა.შ.

6.4 საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა;

6.5 შემსყიდველი უფლებამოსილია უარი განაცხადოს უხარისხო (წუნდებული), არასათანადოდ შეფუთული, საქონელი, რომელსაც ინსპექცია ჩაუტარდა ტრანსპორტირებამდე, საქონლის თანმხლები აუცილებელი დოკუმენტაციის გარეშე, დაგვიანებით მიწოდებული საქონლის ნაწილის ან დაგვიანებით მიწოდებული საქონლის მთლიანი მოცულობის მიღებაზე.

7 ხელშეკრულების შესრულების კონტროლი, ინსპექტირების ჯგუფი

7.1 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს შესაბამისი უფლებამოსილი პირ(ებ)ი (ინსპექტირების ჯგუფი), კერძოდ: **საგანგებო სიტუაციების მართვის სამსახურის საფინანსო უზრუნველყოფისა და ლოჯისტიკის დეპარტამენტის შესაბამისი უფლებამოსილი პირ(ებ)ი.**

7.2 ინსპექტირების ჯგუფი ახორციელებს მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენას და ხელშეკრულების პირობების შესრულების კონტროლს, რაც განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.

7.3 ინსპექტირების ჯგუფი მიწოდებული საქონლის ინსპექტირებას ახდენს სისტემატიურად, საკუთარი შეხედულებისამებრ.

7.4 შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი საექსპერტო კვლევა.

7.5 კონტროლი ხორციელდება როგორც საქონლის მიწოდებამდე, ისე მისი დამთავრების შემდგომ, მიღება-ჩაბარებისას.

7.6 მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად საქონელზე გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა, როგორც ეს ასახულია ხელშეკრულების 6-ე მუხლში.

8 შესყიდვის ობიექტის მიღება-ჩაბარების წესი

- 8.1 მისაწოდებელი საქონელი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. საქონლის გადაცემა ხდება მიღება-ჩაბარების აქტის საფუძველზე, მიწოდების ადგილის მიხედვით.
- 8.2 შემსყიდველის მხრიდან, მიღება-ჩაბარების აქტს ადგენს და მიღება-ჩაბარებას ახორციელებს ამისათვის სათანადოდ უფლებამოსილი პირ(ებ)ი, კერძოდ - **საგანგებო სიტუაციების მართვის სამსახურის საფინანსო უზრუნველყოფისა და ლოჯისტიკის დეპარტამენტის შესაბამისი უფლებამოსილი პირ(ებ)ი.**
- 8.3 მიღება-ჩაბარებით დასტურდება საქონლის გადმოცემისა და მიღების ფაქტი, რაც ადასტურებს ხელშეკრულებისა და მისი დანართ(ებ)ით გათვალისწინებული საქონლის მიღებას და არის თანხის მეორე ნაწილის გადარიცხვის საფუძველი.
- 8.4 ამ ხელშეკრულების მიზნებისათვის მიწოდებად არ ითვლება წუნდებული ან ხელშეკრულებით გათვალისწინებულ მოთხოვნებთან შეუსაბამო საქონლის წარმოდგენა. ასეთ შემთხვევაში აღნიშნულზე მიღება-ჩაბარების აქტი არ ფორმდება.
- 8.5 შესყიდვის ობიექტის ტრანსპორტირებამდე მისი (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

9 ანგარიშსწორება

- 9.1 შემსყიდველი ვალდებულია აანაზღაუროს მიწოდებული საქონლის ღირებულება ხელშეკრულებით გათვალისწინებულ ვადაში და პირობებით;
- 9.2 ანგარიშსწორების ფორმა იქნება უნაღდო;
- 9.3 ანგარიშსწორება მოხდება ლარებში;
- 9.4 მიმწოდებელი ანგარიშსწორებისას ვალდებულია წარმოადგინოს ფაქტიურად მიწოდებული საქონლის ღირებულება და შესაბამისი დოკუმენტაცია;
- 9.5 ანგარიშსწორება შემსყიდველის მიერ განხორციელდება ეტაპობრივად, ფაქტიურად მიწოდებულ საქონელზე მიღება-ჩაბარების აქტის გაფორმებისა და საქართველოს კანონმდებლობის შესაბამისად, ანაზღაურებისათვის სათანადო დოკუმენტაციის წარმოდგენიდან (თუ "მიმწოდებელი" არის დღგ-ს გადამხდელი, შესაბამისი სასაქონლო ზედნადებისა ან/და კანონით გათვალისწინებულ შემთხვევაში საგადასახადო ანგარიშ-ფაქტურის გამოწერის შემდეგ (მიმწოდებელი ვალდებულია სასაქონლო ზედნადებზე, კანონით გათვალისწინებულ შემთხვევაში საგადასახადო ანგარიშ-ფაქტურაზე, მიუთითოს წინამდებარე ხელშეკრულების ნომერი, წინააღმდეგ შემთხვევაში შემსყიდველს უფლება აქვს არ მიიღოს აღნიშნული საგადასახადო დოკუმენტი))
- ორი საბიუჯეტო წლის განმავლობაში:**
- 2018 წლის სახელმწიფო ბიუჯეტის სახსრებით - არაუმეტეს სახელშეკრულებო ღირებულების **50%-ის** ოდენობით; (ავანსის სახით)
 - დარჩენილ ღირებულებას, შემსყიდველი მიმწოდებელს აუნაზღაურებს 2019 წლის სახელმწიფო ბიუჯეტის სახსრებით, 2019 წლის იანვრის თვის ბოლომდე მიწოდებულ საქონელზე მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.
- 9.6 ხელშეკრულების ფარგლებში ანაზღაურებული იქნება მხოლოდ იმ მიწოდებული საქონლის ღირებულება, რომლის მოცულობასა და ხარისხზე არსებობს შემსყიდველის მიერ დადასტურებული აქტი.
- 9.7 წინასწარი ანგარიშსწორება (ავანსი) შესაძლებელია გამოიყენებული იქნას, ხელშეკრულების 10-ე პუნქტის შესაბამისად.

10 საავანსო-საბანკო გარანტია

- 10.1 წინასწარი ანგარიშსწორება (ავანსი) გამოყენებულ უნდა იქნეს 2018 წლის სახელმწიფო ბიუჯეტის დაფინანსების წყაროდან გამოსაყოფი თანხის - არაუმეტეს სახელშეკრულებო ღირებულების **50%-ის** ოდენობით. თანხის წინასწარი გადახდა შესაძლებელია მიმწოდებლის მიერ საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახური“-ს მიერ ლიცენზირებული სადაზღვევო კომპანიიდან, ეროვნულ ვალუტაში - ლარში გაცემული შესაბამისი საავანსო ღირებულების უპირობო და გამოუთხოვადი საავანსო-საბანკო გარანტიის წარმოდგენის შემთხვევაში, რაც გულისხმობს, რომ გარანტიით გათვალისწინებულ თანხებს შემსყიდველი მიიღებს მას შემდეგ, რაც წარადგენს ბანკში წერილობით ფორმას, რომ მიმწოდებელმა დაარღვია შეთანხმება.
- 10.2 საავანსო საბანკო გარანტიის მოქმედების ვადა მინიმუმ 30 (ოცდაათი) კალენდალური დღით უნდა აღემატებოდეს ხელშეკრულების მოქმედების ვადას;
- 10.3 შემსყიდველი ვალდებულია გადაუხადოს მიმწოდებელს ავანსი, არაუმეტეს სახელშეკრულებო ღირებულების **50%-ის** ოდენობით, მიმწოდებლის მიერ წარმოდგენილი შესაბამისი ოდენობის საავანსო თანხის საბანკო გარანტიის წარმოდგენიდან **10 (ათი) სამუშაო დღის განმავლობაში;**
- 10.4 ავანსად გაცემული თანხა ჩაითვლება საბოლოო ანგარიშსწორებისას, რის შემდეგაც, შემსყიდველი უბრუნებს მიმწოდებელს საბანკო გარანტიას წერილობითი მოთხოვნის საფუძველზე. დარჩენილი ღირებულების გადახდა მოხდება ამ მუხლით განსაზღვრული პირობების შესაბამისად, ავანსად მიღებული თანხის სრულად გამოქვითვის შემდეგ.

11 ხელშეკრულების შესრულების უზრუნველყოფის გარანტია

11.1 ხელშეკრულების შესრულების უზრუნველყოფის მიზნით, მიმწოდებელი ვალდებულია ხელშეკრულების გაფორმებამდე წარმოადგინოს ხელშეკრულების შესრულების უზრუნველყოფის გარანტია, რომელიც წარმოადგენს ხელშეკრულების განუყოფელ ნაწილს და რომელიც უნდა იყოს უპირობო და გამოუთხოვადი, ე.ი. გარანტიით გათვალისწინებულ თანხებს შემსყიდველი მიიღებს მას შემდეგ, რაც წარადგენს ბანკში წერილობით ფორმას, რომ მიმწოდებელმა დაარღვია შეთანხმება.

11.2 ხელშეკრულების შესრულების უზრუნველყოფის უპირობო გამოუთხოვადი გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახური“-ს მიერ ლიცენზირებული სადაზღვევო კომპანიიდან, ეროვნულ ვალუტაში - ლარში;

11.3 უცხოური ბანკებიდან საბანკო გარანტიის წარმოდგენის შემთხვევაში, მიმწოდებელმა მასთან ერთად უნდა წარმოადგინოს ზემოაღნიშნული საბანკო გარანტიის საფუძველზე, საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახური“-ს მიერ ლიცენზირებული სადაზღვევო კომპანიიდან გაცემული „კონტრ გარანტია“ (ეროვნულ ვალუტაში - ლარში). საბანკო გარანტია და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი);

11.4 ხელშეკრულების შესრულების უზრუნველყოფის გარანტიაში მითითებული უნდა იყოს აღნიშნულ შესყიდვასთან დაკავშირებით ერთიან ელექტრონულ სისტემაში განთავსებული განცხადების ნომერი და პრეტენდენტის საიდენტიფიკაციო კოდი;

11.5 ხელშეკრულების შესრულების უზრუნველყოფის საბანკო უპირობო გამოუთხოვადი გარანტიის ოდენობა განისაზღვრება ხელშეკრულების ჯამური ღირებულების ____%-ის ოდენობით;

11.6 ხელშეკრულების შესრულების უზრუნველყოფის საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას;

11.7 ხელშეკრულების შესრულების უზრუნველყოფის მიზნით წარმოდგენილი გარანტია გამოიყენება მიმწოდებლის მიერ ვალდებულების დარღვევის გამო შესაბამისი პირგასამტეხლოს, საჯარიმო სანქციების ან/და ზიანის ანაზღაურების მიზნით;

11.8 მიმწოდებლის მიერ ხელშეკრულებით ნაკისრი ვალდებულების სრულად შესრულების შემდეგ ან მისგან დამოუკიდებელი მიზეზების გამო ხელშეკრულების შეწყვეტის შემთხვევაში, შემსყიდველმა მიმწოდებელს, წერილობითი მოთხოვნის შემთხვევაში უნდა დაუბრუნოს ხელშეკრულების შესრულების უზრუნველყოფის გარანტია და მასთან დაკავშირებული დოკუმენტაცია 14 დღის განმავლობაში.

12 ხელშეკრულებაში ცვლილებების შეტანა

12.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3 დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების „ელექტრონული ტენდერის ჩატარების წესის დამტკიცების შესახებ“ მოთხოვნათა გათვალისწინებით.

12.4 ფასის გაზრდა შესაძლებელია საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

12.5 ხელშეკრულების ღირებულების შემცირება დასაშვებია ფაქტობრივად მიწოდებული საქონლის ღირებულების გათვალისწინებით.

12.6 იმ შემთხვევაში, თუ აუცილებელი გახდება ხელშეკრულებით გათვალისწინებული საქონლის საერთო რაოდენობის გაზრდა ან შემცირება, ანგარიშსწორება შემსყიდველის მიერ მოხდება ფაქტობრივად მიწოდებული საქონლის ღირებულების მიხედვით, ხოლო რაოდენობის გაზრდის შემთხვევაში ხელშეკრულებით გათვალისწინებული ერთეულის ფასი არ გაიზრდება.

12.7 ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

13 ხელშეკრულების პირობების შეუსრულებლობა

13.1 მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად და მოთხოვნილი ხარისხის შესაბამისად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

13.2 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების ამ მუხლში.

13.3 თუ მიმწოდებელი ხელშეკრულებით გათვალისწინებული საქონლის მიწოდების პირობებს ვერ შეასრულებს (შესრულების ვადა, ხარისხი, საქონლის მახასიათებლები...) ან/და დაარღვევს კეთილსინდისიერების პრინციპს, შემსყიდველი უფლებამოსილია:

ა) შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის **5%-ის** ოდენობით ან

ბ) ხელშეკრულების დანართ N1-ით განსაზღვრული საქონლის მიწოდების ვადების გადაცილების ან ხელშეკრულების მე-3 და მე-6 მუხლით განსაზღვრული პირობების დარღვევის შემთხვევაში, მიმწოდებელს ყოველ გადაგადაცილებულ დღეზე დააკისროს პირგასამტეხლო ხელშეკრულების ჯამური ღირებულების **0.15 %-ის** ოდენობით.

13.4 თუ კი ხელშეკრულების 13.3. „ბ“ პუნქტით გათვალისწინებული დამატებითი ვადის ფარგლებში პირგასამტეხლოს ოდენობა მიაღწევს ხელშეკრულების საერთო ღირებულების **5%** და მიმწოდებელი ვერ განახორციელებს საქონლის სრულად მოწოდებას ან/და არ გამოასწორებს აღმოჩენილ ხარვეზს (ასეთის არსებობის შემთხვევაში) შემსყიდველი უფლებამოსილია შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის **5%-ის** ოდენობით.

13.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება (ასეთის მოთხოვნის არსებობის შემთხვევაში);

დ) საქართველოს კანონმდებლობით გათვალისწინებულ სხვა შემთხვევებში.

13.6 ამ მუხლის 13.5. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

13.7 საჯარიმო სანქციით დაკისრებული თანხა გადახდილ უნდა იქნას მხარისათვის აღნიშნული თაობაზე გადაწყვეტილების შეტყობინებისა და გაცნობიდან არაუგვიანეს 1 (ერთი) თვის ვადაში.

13.8 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14 ფორს-მაჟორი

14.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოანახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14.4 იმ შემთხვევაში, თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

14.5 შემსყიდველი ორგანიზაციისათვის ამ მუხლით განსაზღვრული ფორს-მაჟორული გარემოება მხედველობაში მიიღება მხოლოდ იმ შემთხვევაში, თუ მიმწოდებელი წარმოადგენს საქართველოს სავაჭრო-სამრეწველო პალატის მიერ, ფორს-მაჟორული გარემოების დადასტურების/დამოწმების შესახებ შესაბამის დოკუმენტაციას.

15 სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ორგანიზაციის.

15.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

16 სხვა დებულებები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2 ხელშეკრულება შედგენილია ქართულ ენაზე სამი თანაბარი იურიდიული ძალის მქონე ეგზემპლარად, რომელთაგან ერთი გადაეცემა მიმწოდებელს, ხოლო ორი - შემსყიდველს.

16.3 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

16.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

16.6 ხელშეკრულება ძალაში შედის ხელმოწერისთანავე.

17 მხარეები:

შემსყიდველი: / /

მიმწოდებელი: / /

